

Atlantikup avannaata Kalaallilu Nunaata silaannartaasa angallavigineqarnerisa allaffissornikkut aqunneqarnerata nunatsinnut nuunneqarnissaa pillugu naalagaaffeqatigiit Canadami Islandimilu oqartussanut isumaqatigiinniuteqarnissaasa aallartinneqarnissaa siunertaralugu danskit naalakkersuisuinut saaffiginninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortat Anders Olsen, Siumut, Tillie Martinussen, Demokraatit, Jens-Erik Kirkegaard, Siumut, Kalistat Lund, Inuit Ataqtigiit aamma Ane Hansen, Inuit Ataqtigiit)

Akissuteqaat

(Ineqarnermut, Sanaartornermut Attaveqaqtigiinnermullu Naalakkersuisoq)

Aappassaanneerreqarnera

Naalakkersuisut sinnerlugit Sanaartornermut Ataatsimiititaliaq aalajangiiffigisassatut siunnersuummik peqqissaarussilluni sulineranut qutsavigerusuppara.

Ataatsimiititaliaq isumaqatigiissoq isumaliutissiisummi inassuteqaatinut tapersersuisut Naalakkersuisut maluginiarpaat.

Sanaartornermut Ataatsimiititaliap oqaaseqaatai Naalakkersuisut taperserpaat, pingaartumik suliaq siunissami ungasinnerusumi Kalaallit Nunaata silaannartaani qullasinnerusumi suliaqatut isumagineqarnerini annertunersumik suliaqalernissaannut alloriarnerummat pingaarutilik.

Taamatut oqaaseqarlunga Naalakkersuisut sinnerlugit siunnersuutaappaartup akuerineqarnissaanut tapersiivunga.